



## Terenga 2: Hōtaka 25 - kīwaha

E ngā manu o te wao nui o Reo Māori, e ketekete mai nā, nau mai ki te tīpapatanga o Ako. He manu taupua koia e tuku nei i te reo kia rere, he manu taki koia e whakamene nei i Te Aitanga a Tāne. Tuia. Huia. Whitiwhiti ora!

### Hei Mahi Whakarongo

Ko te kaupapa o tā te kapa haka e whai ake nei whakawātea, ko ngā hui o te ao Māori. Tēnā whakarongo ki ngā kupu ka puta i ngā manu tīoriori nei hei ārahi i a koe ki te whakautu i ēnei pātai:

1. He aha ngā kīwaha o roto i te waiata nei?
2. He aha ngā hui rerekē ka whakahuatia?
3. Ko tēwhea te hui i Waikato?

### He Whakamārama

He nui ngā kīwaha whakamihi i te tangata ki te reo Māori. I rangona ēnei tauria i roto i te waiata o te kiriata o tēnei akoranga.

1. Kei whea mai te mana...
2. Kātahi nā te whakahira...

Me tūpato tātou i te kīwaha kei raro iho nei:

Kei runga noa atu tō haere mai. *It was good of you to come.*

Kei pōhēhē tātou he kīwaha whakamihi kē tēnei e whakaatu ana i te mutunga mai o te pai o te tangata, o tāna mahi rānei. Anei ētehi kīwaha whakamihi hei whakamahi mā koutou:

Ko koe kei tawhiti! *You're the best!*

Ko koe tonu a runga! *You're top of the pops!*

### Hei Manatu

Huri te ao. Huri te reo. Koirā te kōrero e puta ana i ngā waha o ngā mātanga reo i runga i te mōhio he nui te whaihua o te waihanga kupu hou hei whakaata i ngā tini āhuatanga o te ao hurihuri e noho nei tātou. I te aranga ake o Whakaata Māori, ka rangiwhāwhā ake te rangona o ngā kupu hou pēnei i te **pakipūmeka**. Anei ngā whakamārama a te tangata nāna taua kupu i tito. **Pakipūmeka** = documentary.

### Hei Mahi

He aha tētehi kīwaha e hāngai ana ki ēnei horopaki e rima?

1. whakamihi
2. whakahē
3. whakaae
4. whakapāha
5. tuku aroha ki tētehi atu

### Whakautu:

1. Ka mau te wehi! / Kia pai mai hoki tō mahi! / Ko koutou tonu a runga!
2. Engari mō tēnā! / Tō hamuti! / Ō raho!
3. Tautoko! / Koia, koia! / Pono mārika
4. Mō taku hē, mō taku hē!
5. I wāu nei hoki. / Ka aroha hoki!